

錢相公方療蠓虻尿瘡黃水出

嚼梨傅之乾即易

勝金方治蠓虻尿人成瘡初如糝粟漸大如豆更大如火烙癩  
疱疼痛至甚宜速用草茶并蠟茶俱可以生油調傅上其痛  
藥至立止妙

聖惠方治惡蟲咬人

用紫草油塗之

又方以酥和鹽傅之

治卒蠱螫方第六十

以玉壺丸及五帖丸塗其上並得

道藏輯要

肘後備急方

卷

虛集十一

其方在備急丸散方中

又方取屋雷下土水和傅之

治卒蜂所螫方第六十一

蜂螫人

取人尿洗之

又方穀樹桑樹白汁塗之並佳

又方刮齒垢塗之又破蜘蛛又黃蜂房塗之燒牛角灰苦酒和  
塗之又斷葫指之又嚼青蒿傅之

附方

千金方治蜂螫人